

K22⁰
2815
SB

中國方志叢書·第十三號


據民國二十二年刊本影印

福建省

閩侯縣志

成文出版社印行

sk74/06



中華民國五十五年十月臺一版

閩侯縣志

全冊

定價：二八〇元

發行人：黃成男

台北郵政信箱二二六〇五號

出版者：成文出版社

台北郵政信箱二二六〇五號

印刷者：正大印製廠

三重市長生街二號之一

內政部登記證內版台業字第一一四七號

版權所有

敘

此吾福建首郡首邑第一部邑志也自漢中葉置縣曰冶東漢末卽稱侯官乃迄今且二千年邑志闕如何哉永嘉南渡中州人士始戾晉安隋唐人文漸興追趙宋而始盛福州則至明而始盛觀於三山志成於梁克家八閩通志成於黃仲昭閩書成於何喬遠皆外郡人其故一也邑志者邑令所有事省會之地長官層累政治之所輻輳號令放紛供億繁苛奔走奉承之不暇文獻之徵不切於日用飲食其故二也獨怪鄉之縉紳先生若唐之林謂撰閩中記十卷宋慶曆間林世程增修之前明則劉世揚氏林炫氏林燦氏林庭樞氏袁表氏林材氏自正德以逮萬曆纂纂三十六卷二十四卷七十六卷之福州府志王應山氏亦成五十五卷之閩大記三十三卷之閩都記而閩縣侯官兩邑志則始終無聞殆閩人好大驚廣區區邑乘舉若不屑措意歟民國六年許俊人巡按李培之省長請余總福建通志局因有兼解首邑志書之議然通志期限不及五年益以兵

閩侯縣志

敘

事颺起余避地滬上者二年而卒成六百卷之新通志約計二十萬言無一字不經手定其數易稿者且十七八焉業已徹精疲神於邑志特稍儲材料而已編纂殊所未遑矣十有八年門人歐陽傭民英施涵宇景琛合謀纂邑志請余敦纂事時傭民方知閩侯縣事涵宇方從余立古物古蹟保存會修葺縣西園可爲局所也顧費無所出余曰往者修新通志籌款不足則於兩首邑糧米串票每張加收三銅錢月可得銀錢三百餘元通志已蒞事此款爲度支處挪作他用今收回以修邑志名正言順也計畫既實行傭民充局長涵宇主會計王道真女士眞其兄子任撥充分纂校對亦皆余門人也爲期一年成書百有六卷只糜銀錢二千餘元刊刻二年有八閱月告竣糜銀錢伍千伍百元蓋領款需時日而刻工亦缺收支適相配不能速成也書成爲敘其顛末如右遂以成千百年應有而未

有之志云癸酉長夏七十八叟陳衍書

閩侯縣志總目

卷一 大事記	卷二 天文 緯度日出入星野舊說附
卷三 地理 表附圖附	卷四 疆域 形勢附
卷五 城池 街坊附并附	卷六 公署
卷七 驛鋪 渡附	卷八 鄉都
卷九 橋梁	卷十 山川 溫泉附
卷十一 水利	卷十二 園宅上
卷十三 園宅下	卷十四 古蹟
卷十五 冢墓上	卷十六 冢墓下
卷十七 壇廟上	卷十八 壇廟下
卷十九 寺觀上	卷二十 寺觀下 塔附
卷二十一 戶口	卷二十二 風俗
卷二十三 物產一	卷二十四 物產二
閩侯縣志總目	卷二十五 物產三
卷二十七 物產五	卷二十八 實業
卷二十九 賦稅	卷三十 倉儲
卷三十一 學校上	卷三十二 學校下
卷三十三 書院	卷三十四 新學校
卷三十五 選舉 唐五代進士各科	卷三十六 選舉 宋各科
卷三十七 選舉 元進士各科	卷三十八 選舉 明進士
卷三十九 選舉 明舉人	卷四十 選舉 明貢生
卷四十一 選舉 明薦辟	卷四十二 選舉 清進士
卷四十三 選舉 清舉人	卷四十四 選舉 清貢生
卷四十五 選舉 清薦辟	卷四十六 選舉 清武科
卷四十七 藝文上	卷四十八 藝文下
卷四十九 金石	卷五十 兵制

閩侯縣志總目

卷五十一 關隘	卷五十二 海防 礮台附船政附
卷五十三 巡警	卷五十四 審判
卷五十五 職官一	卷五十六 職官二
卷五十七 職官三	卷五十八 職官四
卷五十九 職官五	卷六十 職官六
卷六十一 選舉	卷六十二 列傳一 陳至五代
卷六十三 列傳二上 宋閩縣	卷六十四 列傳二下 附 宋侯官懷安
卷六十五 列傳三元	卷六十六 列傳四上 明閩縣
卷六十七 列傳四下 明侯官	卷六十八 列傳五上 清閩縣
卷六十九 列傳五下 清侯官	卷七十 儒林
卷七十一 文苑上	卷七十二 文苑下
卷七十三 儒行一上 宋閩縣	卷七十四 儒行一下 宋侯官
卷七十五 儒行二元	卷七十六 儒行三 明
閩侯縣志總目	卷七十七 儒行四上 清閩縣
卷七十九 循吏一	卷八十 循吏二
卷八十一 循吏三	卷八十二 循吏四
卷八十三 循吏五上 清閩縣	卷八十四 循吏五下 清侯官
卷八十五 節義上	卷八十六 節義下
卷八十七 孝義上	卷八十八 孝義下
卷八十九 藝術上	卷九十 藝術下
卷九十一 隱逸上	卷九十二 隱逸下
卷九十三 列女一 母儀	卷九十四 列女二 賢明
卷九十五 列女三 仁智	卷九十六 列女四上 閩縣孝義
卷九十七 列女四下 侯官孝義	卷九十八 列女五上 閩縣節烈
卷九十九 列女五下 表附 侯官節烈	卷一百 列女六上 閩縣節烈
卷百之一 列女六下 侯官并通	卷百之二 名宦上 閩縣

卷百之三 名宦下 侯官縣志 卷百之四方外
卷百之五 流寓 卷百之六 雜錄

閩侯縣志總目

丰

閩侯縣志卷一

大事記

唐虞三代

福州屬唐虞揚州境始為越瀛治地自越王無餘至允常句踐恆設治瀛焉故山曰冶山池曰歐治池在逸周書為東越其後越滅無疆子孫或王或君散處海濱

秦

秦始皇廢國置郡以東越屬閩中郡及天下叛秦無諸搖率越歸酈陽令吳芮從諸侯滅秦

漢

漢興以無諸為閩越王王閩中地都東冶

武帝建元三年閩越發兵擊東甌漢救之六年閩越王郢擊南越其弟餘善殺郢漢立無諸孫餘君丑為越王餘善自立為王漢因立餘善為閩侯縣志

大事記

東越王與繇王並處元鼎後東越數反覆漢大舉兵伐之元封元年繇王居服內應殺餘善漢於是徙其民江淮閒而虛其地然有逃遁山谷者頗出為立治縣置會稽東部都尉以屬之

東漢

章帝章和元年立故治閩越地為章安縣

獻帝建安元年王朗為會稽太守孫策擊之朗亡走浮海至東部侯官謂東部侯官也侯官長商升拒之而旋納之策遣賀齊討升升乞降賀齊

建安漢興今浦城南平復亂賀齊進兵建安立都尉府是為南討洪明洪進等賊大破之十五年會稽東治五縣賊呂合秦狼等為亂孫權遣呂岱

蔣欽討禽之

吳

景帝永安三年以會稽南郡為建安郡置曲那都尉於建安主謫徙之

人作船於此案宋書州郡志作典船校尉元

晉

武帝太康三年分建安立晉安郡以侯官為晉安郡嚴高為守立原豐令省建安典船校尉

安帝元興元年正月孫恩死盧循領其餘眾畧有永嘉晉安之地二年八月盧循攻永嘉劉裕討循至晉安循窘急汎海到番禺案福州有番禺

宋

廢帝泰始四年改晉安郡為晉平郡尋復故

梁

敬帝紹泰元年授陳寶應為晉安太守寶應侯官人世為閩中豪姓父羽有材幹為郡雄豪寶應性反覆多變詐梁代晉安數反累殺郡將皆羽煽成其事復為官鄉導破之故一郡兵權在已侯景之亂晉安太守蕭雲以郡讓羽羽令寶應典兵寶應自海道寇臨安永嘉等處及陳霸先輔政羽

閩侯縣志

求傳位於寶應許之

陳

武帝永定初升晉安郡為閩州二年封陳寶應侯官縣侯

文帝天嘉二年留異反寶應助之又資周迪寇臨安三年侯安都攻破留異異脫身奔晉安寶應納之四年周迪眾潰脫身走閩州寶應納之

十二月詔章昭達討寶應五年十一月昭達破寶應擒送建康斬於市六年罷閩州還屬東揚州

廢帝先大二年割東揚州晉安郡為豐州後主至德三年前豐州刺史章大寶舉兵反四月臺軍主陳景詳討平之

隋

煬帝大業二年改豐州為泉州因泉山為名三年改為建安郡

唐

高祖武德三年改為建州六年改泉州八年改豐州

太宗貞觀初又改泉州

唐宗景雲二年又改閩州

玄宗開元十三年因州西有福山改名福州 十四年福州大水 天寶

初改為長樂郡取州東長樂山為名

肅宗乾元元年復為福州

僖宗乾符六年黃巢陷閩中諸州三月圍福州觀察使韋岫戰不勝棄城

遁賊入焚室廬殺人如菰 中和四年五月福建團練副使陳巖逐其觀

察使鄭鑑自稱觀察使

昭宗大順二年十二月福建觀察使陳巖疾病以書召泉州刺史王潮欲

授以軍政未至而卒巖妻弟護軍都將范暉自為留後王潮遣王彥復王

審知攻福州 二年彥復審知以城堅久不下親犯矢石攻之五月入城

潮至自稱留後旋為觀察使 乾寧三年九月升福建為威武軍以觀察

使為節度使王潮有疾表弟審知為留後 光化元年十月以審知為威

武節度使

昭宣帝天祐元年封審知為瑯琊王

後梁

太祖開平元年進封王審知為閩王升福州為大都督府

後唐

莊宗同光三年十二月閩王王審知卒子延翰立審知選任良吏輕徭薄

歛與民休息好禮下士士多依之建學四門以教士之秀者招來蠻夷商

賈一境晏然諡曰忠懿

明宗天成元年王延翰自稱大閩國主立宮殿置百官威儀文物皆倣天

子之制草下稱之曰殿下多取民間女充後庭審知養子建州刺史延稟

素與延翰不協與延翰弟泉州刺史延鈞謀作亂十二月延稟兵至福州

殺延翰立延鈞 二年五月以延鈞為福建節度使封瑯琊王 三年七

月進封閩王十二月延鈞度民二萬為僧 長興二年延稟聞延鈞有疾

自建州率兵襲福州敗延鈞擒之旋斬之 延鈞好神仙道士陳守元等

誘建寶皇宮 四年正月延鈞以舊宅龍見遂即皇帝位國號大閩改元

龍啟更名璘四月封子繼鵬為福王 十二月改福州為長樂府改閩縣

為長樂縣又改侯官曰閩

末帝清泰二年十月繼鵬弑其父延鈞而自立更名昶諡其父曰惠宗延

鈞父子雖僭竊猶稱藩於中朝

高祖天福元年三月改元通文 二年作紫微宮土木之盛倍於寶皇

四年二月用陳守元言作三清殿於禁中鑄寶皇大帝天尊老君像禱祀

求神丹 閏七月王延羲殺其主昶而自立更名曦改元永隆諡昶曰康

宗 十二月作新宮徙居之 五年七月曦城福州西郭以備建州王延

政 度民為僧萬一千人 十一月建文德殿 六年用陳匡範為國計

使弄商賈數倍 曦自稱大閩皇與王延政相攻福建之間暴骨如莽

閩侯縣志一 大事記

四

十月曦即皇帝位稱大閩皇帝

出帝開運元年閩主曦妄殺入三月拱宸都指揮使朱文進闔門使連重

遇弑曦重遇乃推文進升殿帥羣臣北面稱臣文進自稱閩主悉收王氏

宗族五十餘人皆殺之諡曦曰景宗 十二月王延政遣兵攻福州文進

遣子弟為質於吳越以求救 福州南鄭承旨林仁翰帥兵誅重遇文進

二年閩故臣請延政歸福州延政以從子繼昌鎮福州 三月前元從指

揮使李仁達與鎮邊使黃仁諷殺繼昌立雪峰寺僧卓嚴明為帝延政遣

張漢真討嚴明四月仁諷破延政兵執漢真斬之五月仁達遣軍士刺殺

嚴明因共執仁達使居嚴明之位奉南唐保大年號南唐賜名弘義 三

年六月南唐諭弘義入覲不從討之弘義擊破唐兵唐主益兵攻克福州

外郭弘義固守第二城九月唐兵至善化門橋弘義遣使求名 退保善化

門外城再重皆為唐兵所據弘達又更名達 王名 奉表稱臣乞師吳越

十一月吳越兵至

後漢

高祖天福十二年三月吳越水軍自海道至唐兵敗績李達歸附吳越更名獯貊 十二月獯貊復貢於吳越吳越王命將攻討擒而戮之遂取其地

隱帝乾祐三年二月南唐查文徽來襲福州中伏被擒送於吳越旋釋歸六月吳越王使其兄弘僎知福州威武軍事

後周

太祖廣順元年吳越王以叔元瑱知福州威勝軍事六月吳越王命兄仁俊知福州彰武軍事

宋

真宗乾興六年除福州官錢初王氏據福州時有田千餘頃謂之官莊自太平興國中授券與民耕歲輸賦而已後以售錢數十萬民多未償者至是詔悉除之

閩侯縣志一 大事記

五

欽宗靖康元年八月福州軍亂殺知州柳庭俊

高宗建炎二年六月建州軍士葉濃作亂犯古田縣入福州掠特進致仕余深家金帛欲縱火焚民居守臣江帶不知所出留十餘日乃去官軍追擊之不利

帝熈德祐二年正月元兵迫臨安封兄吉王是為益王判福州弟信王昀為廣王判泉州三月二王至福州宣太皇太后手詔益王是為天下兵馬都元帥

都元帥

端宗景炎元年即德祐二年五月一日益王登極於福州升州為福安府改威武軍為行都之門大都督府為垂拱殿便廳為延和殿改元景炎 十月

元兵三道趨福州十一月元阿剌罕董文炳侵福安府王績翁為內應知府王剛中以城降 二年二月元改福安府為福州 七月王績翁殺推

兵於福安府淮兵在福州者謀殺績翁以應張世傑事覺被殺 九月元將也的迷失入福州 十月唆都兵至福州 三年三月元詔忙古帶唆

都補壽庚行中書省事於福州

元

世祖至元十七年正月置行中書省於福州

至正二十七年十一月明命湯和廖永忠由海道取福州湯和克福州初陳友定環福州城外皆築壘為備留賴正孫謝英鄧益以眾二萬守福州和永忠等奄至元平章曲出領眾出南門拒戰敗退入城參政袁仁密納款益戰死正孫英曲出等皆遁去和入撫輯軍民

明

太祖洪武元年六月拜方谷真福建行省平章事 三年三月以李友諒為福建行省參政

世宗嘉靖三十七年四月倭直犯閩安省中議城守以布政司參議宗臣守西門倭至大破之 三十九年三月倭大掠省會諸村城門晝閉繭月巡撫劉燾至親率兵追於閩安鎮蕪精騎射家畜健兒俱習戰寇素懾威

閩侯縣志一 大事記

六

名遁去 四十年五月復犯長樂由邵嶺至福州 四十一年倭大舉犯福建副總兵戚繼光禦之屢有功至福州飲至勒石平遠臺 四十二年

二月俞俞大猷鎮守福建南嶺等處

福王弘光元年六月唐王監國福京閏月即皇帝位

唐王隆武元年十一月類於上帝以約龍臺為天壇 二年十月清梅勒章京趙布泰等襲克福州

清

世祖順治四年二月明監國魯王遣兵攻福州不克 七月義師起入郡

同日發福州城中約舉火相應至期燒龍峰狀元亭時天色已亮遂潰於金雞山殺舉人林桓聲 十二月鄭彩攻福州敗走 五年正月明魯王

在閩安鎮 十二年八月清世子濟度至福州調集綠營馬步伐鄭成功九月貝子王同固山額真率滿州兵披甲及漢軍三萬駐福州 十月滿

兵至南門水部東門各郊外住人家索酒食金帛役使主人飼馬稍違即

捶楚交加旋往漳州 無為教教主責死於福州 十三年七月鄭成功
遣甘輝等入閩安鎮至省城南臺橋登岸札營掠南臺潭尾等處 成功
進攻福州三戰三捷守將望風降成功不為備會城外伏兵起倉猝退閩
安 九月成功由連江至閩安鎮築寨守之羅星塔亦築土堡馬江蕭家
渡設水師已出屯壺江等處 十四年五月清移兵駐防福省屯城中東
門湯門水部三關民居概令搬移住兵謂之匡屋為滿洲營其兵正披甲
三千統之以將軍 七月成功兵仍守閩安鎮羅星塔 十月成功失閩
安羅星塔退守琅崎 十六年十一月滿洲兵復至屯札七門外南至藤
山東至竹嶼北至崎山人民住屋大屋留一進小屋留一房與主人令供
給油柴酒肉至次年始往海澄 十七年靖南王耿繼茂由廣入閩鎮守
七月耿繼茂至隨帶有千餘副披甲城中夜間行劫查拏皆王府兵丁王
府取草夫閩侯兩邑共一千三百名各村供柴炭雞鴨鴨等不絕菜園皆
王人租種即令裁種當舖牙行鹽商王人共分抽稅南臺溝塘各處市鎮
閩侯縣志一 大事記 七

關隘悉王人總管王畜和尙千餘人師尼五百人各處渡船係王人撐載
不許漁翁取利王母曰太媽所用一人如王之數 冬復匡城內閩縣界
屋與王兵湊住

聖祖康熙元年正月匡城外屋七千餘間田園數百畝城內經院巷與妓
女住開元寺前與戲子住龍山巷與打花鼓人住 十一月總督李率泰
杖諸生林肇震等十七人斃五人坐以庇商情節節也 十三年三藩難作
耿繼茂子精忠據福建以叛 十五年精忠殺總督范承謨 十月精忠
出降於康熙王傑書

高宗乾隆六十年福州將軍魁倫奏總督伍拉納巡撫浦霖貪贖一案二
人皆奉旨正法

仁宗嘉慶二十二年福建布政使李唐芸因知縣朱履中誣訐總督汪志
伊刻嚴苛求知府涂以明肆意陵僞廣芸被偏自盡巡撫王紹蘭係同審
之員不據實陳奏釀成巨案照部議革職

宣宗道光二十年二月欽差大臣祁寯藻抵福州赴南臺查驗福廠戰船
會同黃爵滋鄧廷楨奏明查辦閩省海口煙販情形並嚴拏漢奸籌畫水
陸巡防事宜

文宗咸豐三年署閩浙總督王懿德疏請分飭在籍紳士尙書街廖鴻基
等僉同籌辦團練事宜

穆宗同治二年三月左宗棠補授閩浙總督仍兼署浙江巡撫

五年八月調左宗棠為陝甘總督 左宗棠奏請就福州試造輪船設船
政局於馬尾以在籍江西巡撫沈葆楨為大臣

德宗光緒十年四月因法兵船沿海緝騷命翰林院侍講學士張佩綸會
辦福建海疆事宜 七月初三日馬江艦隊大敗於法兵輪燬焉福州紳

士奏劾張佩綸調度乖謬船政大臣何如璋棄廠擅走情形 授左宗棠
為欽差大臣督辦福建軍務 十二月據左宗棠查辦張佩綸何如璋均

革職發往軍台効力贖罪

閩侯縣志一 大事記

八

宣統三年九月福州民軍起推第十鎮統制孫道仁為都督福州將軍樸
壽聞浙總督松壽死之

閩侯縣志卷二

天文

經緯度

地球大塊縱逕七萬二千里橫逕九萬里無論中西新舊量天之法均分大地為三百六十度緯度以赤道為起線南北之緯綫每橫度黍尺皆得二百里緯度之差於寒暑實有關係有定者也而東西之經度向以京師所在為中綫而偏東偏西之縱綫由中推之其綫弧曲不直參差之率太不相同故均之偏東偏西若干度其漸抵赤道漸增而漸廣極廣處二百里極狹為兩極之盡處則漸減無餘分寸俱泯無定者也是經度有其名而已於事實毫無關係本志實事求是故不載經度只載緯度云

日出入

福建省會福州府閩縣侯官縣在赤道北二十六度零三分

閩侯縣志二 天文

冬至 日出卯正三刻零四分日入酉初初刻一十一分晝長四十一刻零七分夜長五十四刻零八分

小寒 日出卯正三刻零二分日入酉初初刻一十三分

大寒 日出卯正二刻一十一分日入酉初一刻零四分

立春 日出卯正二刻零三分日入酉初一刻一十二分

雨水 日出卯正一刻零八分日入酉初二刻零七分

驚蟄 日出卯正初刻一十二分日入酉初三刻零三分

春分 日出卯正 日入酉正

清明 日出卯初三刻零三分日入酉正初刻一十二分

穀雨 日出卯初二刻零七分日入酉正一刻零八分

立夏 日出卯初一刻一十二分日入酉正三刻零三分

小滿 日出卯初一刻零四分日入酉正三刻一十一分

芒種 日出卯初初刻一十三分日入酉正三刻零二分

夏至 日出卯初初刻一十一分日入酉正三刻零四分晝長五十四刻零八分夜長四十一刻零七分

小暑 日出卯初初刻一十三分日入酉正三刻零二分

大暑 日出卯初一刻零四分日入酉正三刻一十一分

立秋 日出卯初一刻一十二分日入酉正三刻零三分

處暑 日出卯初二刻零七分日入酉正一刻零八分

白露 日出卯初三刻零三分日入酉正初刻一十二分

秋分 日出卯正日入酉正

寒露 日出卯正初刻一十二分日入酉初三刻零三分

霜降 日出卯正一刻零八分日入酉初二刻零七分

立冬 日出卯正二刻零三分日入酉初一刻一十二分

小雪 日出卯正三刻一十一分日入酉初一刻零四分

大雪 日出卯正三刻零二分日入酉初初刻一十三分

閩侯縣志二 天文

玊星野舊說分野之說古矣傳會支離不值談新學者一哂然舊通志以備一說

九州分野詳於周籍定紀繫象昉自緯書顧隋以前史志無專言福建星野者僧一行既分兩漢謂南紀分楚東南負海為星紀又言斗為吳分牛為越分是統福建於越繫越野於牛揚州南境即今福建星野確定自唐然諸書有以福建為兼斗牛女者史記正義南斗牽牛女為揚州後漢書郡國志注引帝王世紀斗十一度至婺七度又名須女吳越之分野星經則既曰南斗牽牛吳越分野繼曰牽牛次一二星王南越又曰女前十二星王十二國鄭北一星曰越亦有以福建為兼斗牛者爾雅郭注牽牛斗者日月五星之所終始故謂之星紀邢疏吳越也淮南子星部名斗牽牛越須女吳沈約宋書天文志斗牛吳越分元魏李業興謂斗一度至牛五度清用西法赤道自箕二度七分至斗二十四度二十分黃道自箕四度十一分至牛一度五分為星紀又有以福建為兼牛女者漢書天文志斗江湖

牽牛婺女揚州其地理志吳地斗分野粵地牽牛婺女分野杜佑通典牽牛婺女越之分野宋史天文志牛宿下三星至南越又須女占越分明史天文志福建布政司所屬皆牛女分其以福建爲專屬於牛者春秋緯元命苞牽牛流爲揚州分爲越國後漢書天文志牽牛主吳越曹魏太史令陳卓謂會稽入牛一度吳虞翻亦曰會稽上應牽牛之宿下當少陽之位然則會稽之東南部如福建者於分野屬牛必矣清初雖已改從西法而猶未廢星野西儒之言曰古今經緯黃黑皆差或至於前後易次故星紀古爲丑宮今則進居於子位古人歲差宮與星未嘗易也西法中氣過宮恒星有歲進之差宮無定宿宿則遞居各宮所以能較舊法尤見縝密然西土非不審星野之誕而湯若望南懷仁輩實附會中國之古法以售其技耳搏搏大地亦不過眾星之一以精良遠鏡窺測天象行星之躔既不僂五恒星之宿又何止二十有八乎悟此則星野之說窮而且歐斐美澳海外有大九洲即以海內論之我國但崑崙之東一隅而已乃曰某地爲閩侯縣志二 天文 三

某宿某宿等數恒星之分野某地又爲某宿某宿等數行星之分野彼崑崙以西以南以北之地及海外諸大洲諸小島之地又將誰屬乎知此則星野之說愈窮今已不尙分野而尙經緯之度仍據前書所謂星野者彙集諸說著於篇

閩侯縣志卷三

地理沿革表附

閩縣附省會郭左偏衝繁疲
難疲最要縣懷安縣附

本漢治縣地屬會稽郡後漢稱侯官稱東部侯官吳為建安郡置典船校尉改為晉安郡移建安郡於建安縣治太康三年省典船校尉立原豐縣以為郡治宋齊因之後改東侯官省侯官入焉隋開皇九年仍改原豐十二年更今名唐因之後唐長興四年改為長樂清泰元年仍舊後晉天福六年又為長樂旋仍舊宋太平興國七年割敦業等九鄉置懷安縣本縣仍為福州治元為福州路治明清為福州府治皆仍舊名

案閩縣閩州命名沿閩中閩越之誤詳辯在新通志地理沿革上東部侯官見三國志虞翻傳元和志三山志注言東侯官當係東部侯官之簡稱

侯官縣附省會郭右偏衝繁疲難疲最要縣

閩侯縣志

地理沿革

本漢東治地後漢時亦稱東部侯官侯官都尉然商升為侯官長侯官固縣名矣至晉立晉安郡統縣八侯官居八縣之一太康三年與原豐並為晉安郡治宋齊因之後併入東侯官隋開皇九年改東侯官曰原豐唐武德六年復置侯官與閩縣分治郭下八年省長安二年析閩縣西十二鄉復置逼臨江許貞元五年洪水漂沒八年遷入州郭故址名侯官市元和三年併入閩縣舊地置場官五年復置五代閩龍啟元年改為閩興以長樂為侯官三年復舊宋元明因之萬曆七年併懷安縣入焉清仍之

案郡國志言漢武元鼎六年立都尉居侯官以禦兩越寰宇記據之此甚誤而不可從者也元鼎五年至六年正楊僕請擊東越餘善發兵反殺漢三校尉橫海將軍等擊破東越之時武帝何由立都尉使居侯官既居侯官是東越已服從又何禦之有元封以後越地既虛其民有出者乃立治縣置東部都尉以屬之御覽引臨海記云立都尉府於侯官以鎮撫二越殆其時乎元鼎或元封之譌然不可攷矣後漢志有東部


侯國鮪埼亭集調乃東侯官之誤是也

懷安縣初治芋原江北宋咸平二年轉運使丁謂奏移石岳在州城西北二十五里元至元二十二年遷治於縣西尋復舊明洪武十二年以縣治逼大江移郭內府治之北與閩侯官同治萬曆八年併入侯官縣

閩侯縣志


地理沿革

二




嶺思常清福

0 10 20 30 40 50 里



0 10 20 30 40 50 里



閩侯縣志卷四

疆域形勢附

閩縣在府治東南附郭東西廣九十三里南北袤八十里東至連江縣界九十二里西與侯官接壤城南南街城外南臺皆以東為閩西為侯官南至福清縣界八十里北與侯官接壤東南至長樂縣界七十五里西南至侯官縣界十七里東北至侯官縣界一里而近西北至侯官縣界一里而近

侯官縣在府治西北附郭東西廣一百六十六里南北袤三百里東與閩縣接壤西至永福縣界八十里南至閩縣界一里而近北至古田縣界一百九十六里東南至閩縣界一里西南至永福縣界五十里東北至連江縣界七十七里西北至閩清縣界一百里

形勢

王世懋天下形勢易辨者莫如福州府諸山羅抱龍從西北稍行處過行閩侯縣志四 疆域 形勢

省小山坐其中烏石九仙二山東西峙作雙闕其外托在東山高大蔽虧日月大海在其外是謂鼓山山西山迤邐稍卑狀若展旗曰旗山以配鼓其前則印山若屏為南案似人巧湊泊而成者然猶未觀水所經宿也登道山以望則大小二水歷歷在目大江從西南蛇行方山下南臺江稍近城而行大水復從南稍折而東北南臺江水合之汪洋瀾漫東下長樂入海其山川明秀如此土人猶謂方山稍西俗名五虎迫視有猛勢以為微缺陷處然即削方山而平之亦終不能作大都何者愈顯則根愈淺愈巧則局愈小

謝肇淛閩中之似金陵有三城中之山半截郭外一也大江數重環繞如帶二也四面諸山環拱會城三也金陵以三吳為東門楚蜀為西戶閩中以吳越為北門嶺表為南府至於險阻自固金陵則藉水閩中則藉山若夫干戈擾攘之際金陵為必爭之地閩可畢世不被兵也

閩都三峰時于城中烏石九二絕標于門外左鼓右旗甘果方九

唐賜名蓮花現瑞北蓮花臺為襟江帶湖東南並海二湖吞吐百河灌漑山川靈秀所都達兵不亂達飢不荒沙台南路通河海濱鄒魯

龍腰西北諸山之水匯于湖送入北水關此二送龍水也最妙洪臺二江之水挾潮繞入西關環注而東而海潮又自水部門直入環注城中與送龍水會進以鍾其美退以流其惡最為吉利從來有水關而無閘限亦不閉塞者以潮汐往來非若他處有出無入之水虞其滯泄也

建諸郡控我咽喉福寧一州扼我項背興泉諸郡同我肘腋揚帆突至則有海道之虞踰險馳騁實切上游之懼封疆不可憑山谿不足恃國門以閩侯縣志四 疆域 形勢

外皆戰場也三山之險誠不在近郊而在四境矣

福州府志按閩諸山皆北來拱于會城其水則汀邵自西溪匯于延平建寧自東溪亦匯于延平四郡之水合流由江入海此其易見者若興化仙遊縣游洋溪達永福之大漳溪流至侯官陽崎入江泉州德化縣水東流迤邐至永福之三十五灘會于縣前之小溪合而奔注于太原灘與侯官江流相迎漳州龍巖之大池經豐田入汀州永定又一派入上杭更一支入連城匯長汀則七郡之水朝宗會城此全郡之形勢也自郡城而論則越王山為主山脉自大嘉山由五鳳越龍腰入城為郡負展南面山有四案橫山第一天寧山第二高蓋山第三方山第四水環東有九條到任橋第一安泰橋第二九仙橋第三洗馬橋第四虎策橋第五沙合橋第六萬壽橋第七江南橋第八烏龍江第九西北則諸山環繞東南則雙江帶流洪江內抱壘江外衛此郡城之形勢也

